



14. december 2016

Inatsisartut suleriaasianni § 37 naapertorlugu matumuuna makku apeqqutit saqqummiuppakka:

Naalackersuisunut apeqqutit Nunanut Allanut Naalackersuisup Politikkenimut aamma Nunatsiaq Newsimut oqaasii pillugit:

- 1. Nunanut allanut Naalackersuisoq Politikkenimut oqarpoq, Danmark NATO-mut ilaasortaanerminut akiliutiminit akikillisaavigineqartartoq toqqaannartumik Thule Air Base pissutaalluni. Naalackersuisut qinnuigineqarput taamatut oqarnermut uppersaatinik saqqummiusseqqullugit ilanngullugu akikillisaavigineqartarneq qanoq annertutiginersoq.**
- 2. Nunanut allanut Naalackersuisoq Politikimi siuarasaarivoq Kalaallit Nunaat Naalagaaffeqatigiinnit anisinniarlugu. Naalackersuisut ilisimanerlugu Namminersorneq pillugu inatsimmi § 21 imm. 1-mi allassimasoq, tassani atuarneqarsinnaammat "Kalaallit Nunaata namminiilivinnissaanik aalajangerneq inuiaat kalaallit aalajangernerannik tunngaveqassaaq", aamma Naalackersuisut isumaat naapertorlugu Namminersorneq pillugu Inatsimmi paragrafi taanna qanoq ililluni Nunanut Allanut Naalackersuisup siorasaarutaanut attuumassuteqarpa?**
- 3. Nunanut allanut Naalackersuisoq Politikkenimi siorasaarivoq USA Thule Air Basemiit anisinniarlugu. Tamatumap siorasaarinerup pivisunngortinnissaa qanoq pissanersoq Naalackersuisut takorloorpaat?**
- 4. Nunanut Allanut Naalackersuisoq Nunatsiaq News naapertorlugu oqarpoq uuliasiornermut gasisiornermullu ICC itsarnitsamik isiginneriaaseqartoq aamma kattuffiup iliulusaa Kalaallit Nunaata soqutigisaanut tulluannigitsut. Naalackersuisut isumaqatigiillutik ICC-p isornartorsiuneranut taamatut isummerpat?**
- 5. Nunatsiaq News naapertorlugu Nunanut Allanut Naalackersuisoq oqarpoq USA-p præsidentissaatut Donald Trumpip qinigaanera Kalaallit Nunaata naalagaaffinngornissaata uuliasiornermik gasisiornermillu akilersorneqarnissaanut tapersiinerusoq. Naalackersuisut taamatut oqarnerminnut suna tunngavigaat aamma Naalackersuisut ilumoorlutik isumaqarpat maannakkut uuliap akia naapertorlugu kalaallit naalagaaffeqalernissaata taamatut akilersornissaa pivusorsiortoq? Tamatuma saniatigut Naalackersuisut qinnuigineqarput isummerfigeqqullugu sooq Kalaallit Nunaanni uuliasiorneq gasisiornerlu aallartinneqarsimannginnersut sulii, isumaqartoqarpassimmat siunissami naalagaaffinngornissarput taamatut akilersussagipput.**
- 6. Naalackersuisut pilersaaruteqarnerlutik Nunanut Allanut Naalackersuisup Arctic Circle Forumimi Quebecimi ingerlanneqartumi oqalugiaataata tamakkerlugu saqqummiunnissaanut aamma taanna Nunatsiaq Newsimit issuallattaaneqarluarmat? Taamaanngippat Naalackersuisut qinnuigineqarput tunngavilersoqqullugu, sooq tamanut takusassiarineqassannginnersoq Nunanut Allanut Naalackersuisup qanorpiaq oqarsimanera.**



7. Nunanut Allanut Naalackersuisup sakkortuumik oqaaseqarnermigut Kalaallit Nunaata sualummik USA-mut Danmarkimillu suleqateqarnera annertuumik qularnarsisippaa. Naalackersuisut tamarmiullutik isummersuutitut tunuliaqutaappat? Taamaanngippat paaserusunnarpoq Nunanut Allanut Naalackersuisumut oqaaserineqartut qanoq kinguneqartinneqassanersut?

(Inatsisartunut ilaasortat Justus Hansen aamma Randi Vestergaard Evaldsen, Demokraatit)

Tunnngavilersuut:

Nunanut Allanut Naalackersuisoq Arctic Circle Forumimi Canadami Quebecimi ingerlanneqartumi peqataanermi oqalugiaateqarpoq sakkortuunik imalimmik. Tamatuma saniatigut danskit avisiannut Politikkinimut aamma sakkortuunik oqaaseqarpoq.

Oqalugiaat taamatullu Politikenip apersuina kalaallit, canadamiut danskillu tusagasaqartitsiviini assut issuarneqqaattaarput.

Tamanna tunnngavigalugu soqutiginarpoq paasissallugu Nunanut Allanut Naalackersuisoq Naalackersuisut sinnerinit qanoq tapersersorneqartiginersoq, innuttaasut paasiniassammassuk Nunanut Allanut Naalackersuisup oqaasii Naalackersuisut pisortatigoortumik politikkiattut paasineqassanersut.

Apeqqutit akeqquneqarput ullut sulliviit nalignnaasut qulit qaangiutsinnagit.